

演禽通纂

卷一

卷二

卷三

卷四

卷五

卷六

卷七

卷八

卷九

卷十

欽定四庫全書

演禽通纂卷下

鑑形賦

取如鏡見形之義

三才奠位五行化生

三才者天地人也奠位者形而上天也形而下地也  
命于中者人也自未分之先內含真一之水水生木  
木生火火生土土生金遞相化生往來不息故萬物  
出焉

人為品彙之靈命演星禽之學造理雖關於天賦妙蘊  
莫逃乎數推

品者名數也彙者物類也人為萬物之至靈者稟陰  
陽正氣而受命也即今命演禽之學不過論命決  
疑而已然此命雖關於天賦亦莫能逃乎術數而推  
之以決其休咎云

是以顏回仁學早歲夭亡盜跖凶頑年高矍鑠

顏回字子淵孔門之亞聖也一簞食一瓢飲處之泰

然學幾至于聖人之域仁在三月不違之時不幸三  
十二歲而卒以顏子之仁學宜夫享高年而行道奈  
何夭折豈非命之所決也盜跖即展雄也食邑柳下  
故曰柳盜跖春秋戰國時縱橫十八國堯暴無敵年  
至九十二歲而死以展雄之堯宜夫短年促壽反得  
白髮皤然而死以此論之顯然命之所肆復何疑哉  
陸績六歲作賓客梁灝八十二登狀元

陸績字公紀吳人年六歲往九江見袁術術出橘績

懷三枚後辭出揖墜地術曰陸郎作賓客乃懷橘乎  
續曰回家奉母術大奇之梁灝五代時晉高祖天福  
三年應舉至宋太宗雍熙二年登榜

是則窮通有定壽夭莫移命則一具而推之理則合乎  
三而論也

窮者如大運流星大小運俱不化或居死絕之地或  
逢吞啖形傷之類是也

若逢雷傷虎噬溺水懸屍酒色烟霞須識平和安靜風塵

花柳要明旺相休囚

蛟龍宮洎四野之地值夏月生四柱中又無壬癸亥  
子字助或運行枯涸負艮等煞流年見乙卯庚午其  
人必遭雷震死猪羊犬牛宮洎山林秋冬夜生四柱  
無救流星小限再見虎豹定主克暴惡死井木犴宮  
洎四野之地大小限是虎豹春夜生是謂得食若生  
奸心狐更在乙未宮或在所洎宮決主自縊鬼金羊  
運限見犬狼所逼流年或壬子癸亥定主投河而死

如猿猴狐貉獐鹿燕蝠等禽洎在花洞柳墻歌臺舞  
榭更值春夜生者男子荒淫女人濁亂假饒不落風  
塵隊亦是花前月下期如猿猴馬鹿等禽宮至山林  
居于休囚之地又無食祿更四柱犯破祖空亡羅網  
孤寡等煞主人多親道術志慕清虛凡此數條最要  
明究旺相休囚四時得失灼然可見禍福矣

所喜者垣廟高強所忌者吞啖刑害迷者千徑百蹊明  
者一通百達

垣廟者化道也吞啖刑害者如虎豹食猪羊之類是也迷者見有二限壽星流星忙然無措又有一所值之禽為主星次禽為胎星又有以子平起例

數節氣三日為限一歲為運殊不知此禽演只以主星所屬五行成數所至宮為運似此謬亂何以驗其貴賤禍福矣原夫蛟龍躍浪于東南立功名于萬世之上

東方南方甲辰乙卯也甲辰蛟龍之垣廟乙卯雷門也更得三春九夏生柱中再見壬癸子亥字是建業

垂統之君不然則諸侯王公宰相黜戚之命也

虎豹遁迹于西北致太平于一統之間

西北庚戌辛亥也化天門琴堂虎豹泊此宮得秋冬  
夜生則為貴顯威權之命

非橫刑傷狐貉豈宜乎子午

戊子戊午為陷穽庚午為圓場狐貉泊四野之宮更

見秋冬日生運歲見此等化道決主非橫而死

驚惶恐怖蛟龍不利于寅申

甲寅化木龍丙寅戰虎戊寅蚯蚓煞戊申負鼎煞庚申囚禁此數化道皆蛟龍絕地四時皆然主人偃蹇孤寒

木衰則枝葉凋零春夏不宜乎虎豹

木衰者如丁卯辛卯也虎豹泊此宮春夏星此時無威賴林木藏身以安若值此凋林則主無依失所也劍鋒金值刀砧猪獮牛羊防二八之生

壬申癸酉庚申辛酉也二八月祭祀之時此四禽至

此宮分更在二八子時生其人橫夭惡死

山下火遇焚穴鳥雉猿猴忌六七之誕

丙申丁酉也又為火光煞焚穴者丁丑丙寅丁卯丙辰丁未也此四禽若夜生主流鄉井不守祖墓若流

年小限再見此等宮分則主失流落

猪帶懸針而破相貧乏難當

懸針丁未也猪羊值此主破相孤寒

馬遇攀鞍以長生福權交互

攀鞍甲辰也馬洎此宮化千里馬喜躍乘軒

羊行旺處或刃對衝必主橫亡惡死

旺處辛未也庚申辛酉為刃乙酉為劫殺如羊行辛未或小限流星衝起刃煞主不善終

獐來黑道或網交張例當賊犯牢亡

黑道壬癸也地網甲辰乙巳是也更值秋冬夜生小限流星值此網索窩弓其人做賊必犯死在牢獄之

中

心月狐旺在秋天萍水他鄉之客

秋天乙酉癸酉也化玉兔宜為商客

房日兔生于夏月柳營榆塞之軍

兔在夏月生者不得其時更分低微多是軍卒隸役  
之人

馬貴鹿貴貼身必作朱衣之客

馬洎乙丑化騶虞丙辰化麒麟鹿洎甲寅化獅子甲

辰化麒麟胎命有此兩星必是貴宦腰金衣紫

燕空馬空在命定為巫祝之流

如宮分洎在十干空亡或破祖空亡多是師巫廟祝  
之人

虎入亥宮暗昧傷殘子息

丁亥猪穴癸亥獐廟猪獐小限流星值虎豹定傷小

口

鹿奔虎地驚惶定尅尊親

獐鹿小限流星見丙寅壬寅之宮或是虎豹之禽定

傷父母

龍在虎宮人財失散

蛟龍運限流星行丙寅或虎豹謂之龍虎戰鬪春夏  
生龍勝然未免擾攘不寧秋冬生虎勝輕則傷財重  
則傷身

豹居未位六畜逃亡

乙未犴宮也虎豹畏之小限流星輕則斃畜死亡重  
則非橫不測之灾

燕入朱門必遇經游之職

朱門丁卯丁酉燕在春夏生泊好宮分運限至此有  
職者定有陞賞無祿者財祿豐隆

烏飛龍背定獲名利之權

甲辰化大鵬戊辰化角準庚辰化金鸞烏泊此宮或  
運限至此君子進職平人獲財

馬犬相逢太白金宮平生富貴

太白己未如主星星日馬身命星或婁金狗共泊此